



Tha taighean nan dachaighean do dhaoine ach faodaidh damhain-allaidh, cuileagan, carnain, fiolain, agus luchainn fuireachd annta cuideachd. 'S dòcha gum bi ialtagan is gealbhoinn fon sgleat agus cathagan anns an t-similear.

Ged a tha craobhan a' coimhead bréagha ann an sràidean, pàircean is gàrraidhean, tha iad cuideachd air an cleachdadh mar àiteachan neadachaidh do ròcais is eòin eile.

Tha mòran chraobhan is phreasan ann am pàircean is ann an cladhan agus tha mòran eòin is meanbh-fhrìdean air an tarraing thuca. Tha mòran crotal, raineach, còinneach is lusan eile a' fàs air leacan uaghach is ballaichean far nach eil truailleadh.

Is toigh le radain agus clàbaraichean eile ionaid-sgudail. Tha talamh bàn, taobh an rathaid iarainn agus taobh an rathaid mhòr nan àiteachan còmhnaidh math do fhiadhbheatha.

Bithidh sinn a' smaointeachadh air bailtean mar àiteachan do dhaoine a-mhàin. Chan eil sin fìor oir tha iomadh seòrsa lus a' fàs ann am bailtean. Faodaidh beathaichean cuideachd a bhith beò ann am bailtean ma gheibh iad seachad air an eagal a th' aca ro dhaoine agus ma lorgas iad dachaigh fhreagarrach far nach cuir daoine dragh orra agus gu h-àraidh ma lorgas iad biadh gu leòr.

Tha uillt is linneachan nach eil air an truailleadh nan dachaighean do dh'iasg, losgainn, dearcana-luachrach is daolagan-uisge. Bithidh tunnagan is ealachan a' neadachadh air na bruaichean 's bithidh gobhan uisge agus breac an t-sìl a' neadachadh fo dhrochaidean.